

Madurese - Jareya Alketab - Healing Scriptures

Kolowaran 15:26 Dhabuna PANGERAN, "Mon ba'na ngestowagi Tang oca' epagu-onggu ban ajalannagi sabarang se bi' Sengko' eanggep becce', sarta atoro' ka sakabbinna Tang parenta, bi' Sengko' ba'na ta' eokoma ban panyaket akantha se epakenneng ka oreng Messer rowa. Sabab Sengko' reya PANGERAN se mabarasa ba'na."

Olangan 7:15 Ba'na bi' PANGERAN bakal ejauwagiya dhari samacemma panyaket, ban dhari samacemma balai se etangale'e ba'na e Messer, balai jareya bi' Pangeran bakal eteba'agiya ka so-mosona ba'na.

Jabur 107:20 Kalaban dhabuna bi' Pangeran reng-oreng jareya epabaras, ban epalopot dhari lobangnga koburan.

Jabur 146:8 mamella' matana oreng se buta. Majaga oreng se labu, taresna ka oreng se jujur.

Yesaya 35:5 E bakto jareya oreng buta bakal nangaleyana, ban oreng se kopok bakal ngedhinga.

Yesaya 53:5 Tape salerana elokae polana sa-dusana sengko' ban ba'na, epeccot polana kajahadanna sengko' ban ba'na. Salerana eokom sopaja sengko' ban ba'na epasalamedda, polana lampadda peccot se dheng-malandheng e kole'na, sengko' ban ba'na padha epabaras.

Yesaya 58:8 Mon kantha jareya sonar bakal dhatengnga nera'e ba'na akantha pajjar, ban ka-lokana ba'na bakal barasa. Sengko' abarengngana ba'na kaangguy masalamet ba'na. Kahadiranna Sengko' bakal ngaobana ba'na dhari apa'a bai.

Yeremiya 30:17 Maske mosona ba'na ngoca', 'Siyon la ebuwang, ban tadha' se mekkere pole,' tape bi' Sengko' ba'na epabara pole, ka-lokana ba'na bi' Sengko' etamba'ana."

Yeremiya 33:6 Tape pagi' kabadha'anna kottha reya ban pandhudhu'na bi' Sengko' epabaliya akantha asalla; bangsa reya bakal kowada pole. Bi' Sengko' eberri'ana odhi' se talebat raja ban aman.

Maleakhi 4:2 Tape kaangguy ba'na se ta'at ka Sengko', Tang kobasa se madhateng kasalameddan bakal nyonara akantha are, ban sonarra mabarasan se sake'. Ba'na bakal bebas sarta gumbira akantha budhu'na sape se buru epakalowar dhari kandhang.

Matiyus 4:23,24 E Galilea, Isa alengleng e saantero nagara sarta molang e kennengnganna kabakteyan e man-dhimman. Salerana ngabarragi Kabar Bagus ja' Jehovah bakal marenta'a. Laen dhari jareya Salerana mabaras oreng se sake' ban se ena. 24 Kabar parkara Isa jareya ekaedhing balattra sanagara Siria, sampe' bannya' oreng se nyabis ka Salerana. Reng-oreng

jareya ngeba reng-oreng se nyandhang acem-macem panyaket ban kasossa'an. Reng-oreng se kasosoban erroh jahat, se jan-ajanen, ban se empon, kabbi epabaras bi' Isa.

Matiyus 8:16,17 E bakto la molae asar, bannya' oreng nyabis ka Isa ngeba reng-oreng sabannya'na se kasosoban erroh jahat. Kalaban dhabu sakeccap Isa ngojuk roh-erroh jahat jareya sarta mabaras keya sakabbiyanna oreng se sake'. 17 Isa alampa'agi jareya kabbi, ban kalaban cara se kantha jareya kalakon apa se edhabuwagi Nabbi Yesaya, iya areya, "Salerana nanggung kasangsara'anna sengko' ban ba'na ban mabaras panyakedda sengko' ban ba'na."

Matiyus 9:35 Daddi Isa alengleng dhari settong kottha ka kottha laenna ban dhari settong kampong ka kampong laenna. Salerana morok e kennengangan-kennengnganna kabakteyan ban aberta'agi Kabar Bagus parkara baramma Jehovah se marenta menangka Rato. Reng-oreng se nyandhang panyaket apa'a bai ban se ena badanna epabaras.

Matiyus 10:1,8 E settong are Isa nembali moredda se dhubellas epakon akompol. Red-moredda jareya pas eparenge kobasa kaangguy ngojuk roh-erroh jahat ban mabaras panyaket apa'a bai ban badan se ena kantha apa'a bai. (Markus 3:14,15) 8 Pabaras reng-oreng se sake'; paodhi' pole reng-oreng se mate; pabaras reng-oreng se nyandhang panyake' kole' budhuk, ban ojuk roh-erroh jahat. Ba'na narema reya kabbi kalaban ma-coma. Daddi, berri' keya kalaban ma-coma.

Matiyus 11:5 oreng buta nangale, oreng empon ajalan, oreng se nyandhang panyaket kole' budhuk baras; oreng kopok ngedithing, oreng mate odhi' pole, ban Kabar Bagus dhari Jehovah eberta'agi ka reng-oreng mesken.

Matiyus 12:15 Isa ngagali ja' reng-oreng Farisi aneyat juba' ka Salerana.

Daddi Salerana pas nyengla dhari jadhiya etoro' bunte' oreng sabannya'na. Saellana jareya Isa pas mabaras sakabbiyanna oreng se sake'.

Matiyus 15:30 Bannya' oreng nyander ka Salerana ngeba oreng se dippang, se buta, se empon, se buwi ban se nyandhang panyaket laenna. Reng-oreng se sake' jareya bi' reng-oreng se ngeba esaba' e ajunanna Isa, dineng Isa laju mabaras reng-oreng jareya.

Matiyus 17:20 Dhabuna Isa, "Sabab ba'na ta' pate parcaja. Kaenga'e, ya! Mon ba'na andhi' iman se rajana padha ban bigina sawi bai, ba'na bisa ngoca' ka gumo' reya, 'Ngalle dha' essa'l' tanto gumo' reya pas ngalle. Tadha' barang se ta' bisa elakone ba'na!

Markus 1:34 Isa mabaras oreng sabannya'na se nanggung panyaket acem-macem sarta ngojuk roh-erroh jahat. Roh-erroh jahat jareya ta' eparenngagi ca'-ngoca' pa-apa, sabab roh-erroh jahat jareya tao sapa Salerana jareya.

Markus 3:10 Bannya' oreng se epabaras, sampe' reng-oreng se sake' saleng sellek aehteyar nyemma'e Salerana polana terro nyeddinga Salerana.

Markus 6:5,6 E jadhiya Isa ta' bisa mabadha kaajiban maske settonga, kajabana agap reng-oreng sake' sarta mabaras reng-oreng jareya. 6 Salerana heran polana reng-oreng jareya ta' parcaja. Saellana jareya Isa meyos ka pong-kampong e kangan kacerra kennengngan jareya, pas morok e jadhiya.

Markus 6:13 Red-moredda Isa jareya ngojuk roh-erroh jahat sabannya'na, ngosoddagi menny'a jaitun ka reng-oreng sake' sabannya'na, ban mabaras reng-oreng jareya.

Markus 6:55,56 Daddi reng-oreng jareya ka'-berka' san-kassannagi e saantero dhaera jareya, ban molae ngeba reng-oreng sake' se epatedhung e teker ka Isa. Mon reng-oreng jareya ngedithing ja' Isa badha e settong kennengngan, reng-oreng sake' jareya egiba ka jadhiya. 56 Dha' emma'a bai Isa se meyos -- ka kampong, ka kottha otaba ka disa -- reng-oreng noro' entar ka jadhiya ngeba reng-oreng sake' se pas esaba' e lon-alon. Reng-oreng jareya nyo'on ka Isa sopaja se sake' eparengngana edi nyedding jubana, maske pera' penggirra. Oreng sake' se nyedding penggirra jubana jareya padha baras kabbi.

Markus 8:23-25 Oreng buta jareya bi' Isa eastane tanangnga, laju etonton kalowar kottha. Matana oreng buta jareya eeduwi. Saellana jareya astana pas etompangngagi ka oreng buta jareya, laju mareksane, "Apa ba'na la nangale'e sateya?" 24 Oreng buta jareya addhep ka adha', pas ngoca', "Enggi. Abdina nengale oreng ajalan, namong katon akadi kajuwan." 25 Isa nom pangngagi astana pole ka matana oreng jareya. Sateya oreng jareya ngoddi ngabas epagu-onggu. Matana baras sarta la nangale ce' terrangnga.

Markus 9:29 Dhabuna Isa, "Erroh jahat se samacemma reya ta' ekenneng ojuk ngangguy cara apa'a bai kajabana ngangguy du'a."

Markus 16:17,18 Menangka bukte ja' parcaja, reng-oreng jareya bakal ngojuga erroh jahat bit Tang nyama; reng-oreng jareya bakal acaca'a ngangguy sa-basa se gi' ta' ekataowe bi' reng-oreng jareya dibi'. 18 Mon neggu' olar otabana ngenom racon, reng-oreng jareya ta' kera calaka'. Mon reng-oreng jareya nom pangngagi tanangnga ka attassa reng-oreng se sake', se sake' jareya bakal barasa."

Lukas 4:18 "Errohna Pangeran badha e Sengko', sabab Errohna jareya la mele Sengko' kaangguy manapa' Kabar Bagus ka oreng mesken. Sengko' eotos kaangguy abala ja' reng-oreng tahanan epabebasa ban reng-oreng buta epabarasa; kaangguy nolonga reng-oreng se eseksa

Lukas 4:40 E bakto molae compet are, reng-oreng padha dhateng nyabis ka

Isa, ngeba la-balana se padha nyandhang panyaket acem-macem. Isa nom pangngagi astana ka reng-oreng jareya bang-sebang, kabbi laju padha epabaras.

Lukas 5:15 "Guru," saodda Simon, "abdina sakanca alako samalem benteng, ta' kengeng pa-ponapa! Namong Panjennengngan se makon, enggi sae; bi' abdina jala eocola pole."

Lukas 5:17-25 E settong are teppa'na Isa morok, badha reng-oreng Farisi ban ru-guru agama padha toju' e jadhiya. Reng-oreng jareya dhateng dhari Yerusalim, ban dhari tha-kottha e Galilea ban Yudea. Kobasana Pangeran badha e Isa kaangguy mabarasa reng-oreng se sake'. 18 E bakto jareya badha reng-oreng se dhateng ngeba oreng empon se epatedhung e teker. Reng-oreng jareya aehteyar ngeba'a oreng se empon jareya ka dhalem sopaja se sake' bisa esaba' e ajunanna Isa. 19 Tape sarrena oreng se badha e jadhiya talebat bannya'na, se sake' ta' ekenneng giba maso'. Daddi bi' reng-oreng se ngeba, se sake' jareya laju epaongga ka ata'na bengko. Ata'na bengko jareya ebungkar sampe' alobang. Se sake' epatoron ban tekerra lebat dhari lobang jareya sampe' ka ajunanna Isa e tengngana oreng se bannya' jareya. 20 E bakto ngoladi saapa rajana imanna reng-oreng jareya, Isa adhabu ka se sake', "Taretan, sa-dusana ba'na la esapora." 21 Ru-guru agama ban reng-oreng Farisi se badha e jadhiya padha molae acaca, oca'na, "Sapa oreng reya me' bangal ya-nyeya Jehovah? Sapa se kobasa nyapora dusana oreng kajabana Jehovah?" 22 Isa ngagali ka pekkeranna reng-oreng jareya, laju adhabu, "Arapa ba'na me' padha apekker kantha jareya? 23 Kemma se lebbi gampang, ngoca', 'Sa-dusana ba'na la esapora', otaba ngoca', 'Mara jaga pas ajalan!?' 24 Tape Sengko' abukteyagiya ka ba'na ja' e attas bume reya Pottrana Manossa kobasa nyapora dusana oreng." Isa laju adhabu ka oreng se empon gella', "Mara jaga, kala' katedhunganna, pas mole!" 25 Sanatkala jareya keya oreng se empon gella' laju jaga e adha'na oreng se badha e jadhiya kabbi. Katedhunganna ekala', terros mole sambi ngagungngagi Jehovah.

Lukas 6:17-19 Saellana jareya Isa toron dhari gumo' jareya asareng ban sul-rasulla gella', pas ambu sarta ngadek e settong kennengngan se rata. E jadhiya bannya' keya red-moredda se laen ban reng-oreng laenna se dhateng dhari man-dhimman e saantero Yudea, Yerusalim, ban tha-kottha paseser Tirus ban Sidon. 18 Reng-oreng jareya entar ka jadhiya terro ngedhingngagiya Isa ban terro epabarasanya panyakedda. Reng-oreng se kasosoban erroh jahat entar ka jadhiya keya ban epabaras. 19 Reng-oreng padha aehteyar terro nyeddinga ka Isa, sabab dhari Isa kalowar kobasa se mabarasa reng-oreng jareya kabbi.

Lukas 7:21,22 E naleka jareya Isa teppa'na mabaras oreng sabannya'na se padha sake', ngojuk erroh jahat sarta mamella' oreng se buta. 22 Dhabuna Isa, "Kassa' ba'na abali ka Yahya kabala apa se etangale ban ekaedhing ba'na: oreng buta nangale'e, oreng empon ajalan, oreng se nyandhang panyaket kole' budhuk baras, oreng kopok ngedithing, oreng mate odhi' pole, ban Kabar Bagus dhari Jehovah eberta'agi ka oreng mesken.

Lukas 8:2 bariya keya babine'an se la epabaras dhari erroh jahat ban dhari panyakedda. Babine'an jareya Miriyam se enyamae Magdalena (se tao ekobasae erroh jahat kapetto tape la epakalowar);

Lukas 9:2 Saellana jareya red-moredda buru laju epakon ajalan kaangguy mabaras oreng sake' sarta mabalattra kabar parkara baramma Jehovah marenta menangka Rato.

Lukas 9:11 Tape e bakto reng-oreng tao ja' Isa meyos ka jadhiya, laju padha noro' ka jadhiya. Isa narema reng-oreng jareya, laju abu-dhabu parkara baramma Jehovah se marenta menangka Rato. Laen dhari jareya Isa mabaras reng-oreng sake' se badha e antarana reng-oreng jareya.

Lukas 13:12 E bakto Isa ngoladi jareya, laju adhabu epakaja, "Bu, ba'na baras dhari panyakedda!"

Lukas 13:32 Dhabuna Isa, "Kassa' kabala ka oreng se tadha' gunana jareya: 'Sateya ban lagguna Sengko' ngojuga erroh jahat ban mabarasa oreng sake', tape e are se kapeng tello' Sengko' mamareya Tang lalakon.'

Yahya 5:8,14 Dhabuna Isa ka oreng jareya, "Mara jaga, kala' tekerra, pas ajalan." 14 Saellana jareya Isa tapanggi ban oreng jareya e dhalem Padalemmman Socce. Dhabuna Isa, "Sateya ba'na la baras. Ja' agabay dusa pole, mon enja' ba'na bakal lebbiya palang dhari dha'-adha'na."

Yahya 14:12 Bi' Sengko' ba'na ebala'ana sabendherra: Oreng se parcaya ka Sengko' bakal ngalakonana apa se la elakone Sengko', la'-mala' bakal ngalakonana se araja'an, sabab Sengko' entara ka Rama.

Caretana Para Rasul 3:6 Tape Petrus adhabu, "Sengko' ta' andhi' pesse sakale. Tape bi' sengko' ba'na eberri'ana apa se ekaandhi' sengko': Kalaban kobasana Isa Almasih dhari Nazaret rowa, mara ba'na ajalan!"

Caretana Para Rasul 5:15,16 La'-mala', polana pa-apa se elampa'agi sul-rasul jareya, sampe' reng-oreng sake' esaba' e katedhunganna otabana e teker, laju egiba ka lorong, sopaja se sake' jareya paleng sakone'na ekennenga jang-bajanganna Petrus, mon Petrus teppa'na lebat e jadhiya. 16 Reng-oreng anyo-ronyo dhateng dhari tha-kottha e sabingkerra Yerusalim. Badha se ngeba oreng sake' ban se kasosoban. Reng-oreng jareya epabaras kabbi.

Caretana Para Rasul 10:38 Sampeyan ampon oneng parkara Isa dhari Nazaret se sareng Jehovah eparenge Errohna Jehovah sareng kobasa. Sampeyan

oneng jugan ja' Isa gapaneka meyos san-kassannagi alampa'agiya kabecce'an; mabaras reng-oreng se ekobasae Iblis, sabab Isa gapaneka esarengnge Jehovah.

Caretana Para Rasul 19:11,12 Jehovah mabadha kaajiban-kaajiban kalaban parantara'anna Paulus. 12 Sampe' sottanangnga otabana kaen se ekapanyengset Paulus jareya mon egiba ka oreng sake', panyakedda elang ban erroh jahat se badha e dhalem oreng jareya laju kalowar.

Roma 8:26 Sapaneka jugan Errohna Jehovah rabu nolong sampeyan sareng kaula sadaja se ta' gadhuwan kakowadan. Sabab sampeyan sareng kaula sadaja ta' oneng kadi ponapa koduna adu'a; Errohna Jehovah ganeka dibi' ngadhep ka Jehovah nyono'nnagi sampeyan sareng kaula sadaja kalaban pangarep se ce' dhalemma kantos ta' kaocap.

1 Korintus 12:9 Erroh se settong ganeka jugan marenge oreng se settong kasangguban se lowar biyasa kaangguy parcaja ka Almasih; dineng ka se laen Erroh ganeka apareng kobasa mabaras oreng.

1 Korintus 12:28 Sapaneka jugan e dhalem jema'at, Jehovah ampon nantowagi kennengnganna reng-oreng se acem-macem: dha'-adha' sul-rasul; nomer dhuwa' bi-nabbi, nomer tello' ru-guru, pas reng-oreng se mabadha kaajiban-kaajiban, saamponna ganeka reng-oreng se eparenge kasangguban mabaras oreng, otabana kaangguy nolong oreng laen, otabana kaangguy mimpin, otabana kaangguy acaca ngangguy acem-macem basa se ajib.

Filipi 2:27 Pajat Ierres Epafroditus ganeka nganglo kantos para' seda'a. Nangeng Jehovah neser ka aba'epon; ban banne namong ka Epafroditus, ka kaula jugan, sopaja kaula ta' sajan sossa.

Yakobus 5:14 Manabi badha se songkan, ngone'e pin-pamimpinna jema'at. Ban pin-pamimpinna jema'at ganeka kodu nyono'nnagi se songkan ganeka, sareng abuliddagi menny'a' ka se sake' kalaban asmana Pangeran.

1 Petrus 2:24 Almasih mekol sa-dusana sampeyan ban kaula sadaja e kaju salib, sopaja sampeyan sareng kaula sadaja lopot dhari kakobasa'anna dusa, sareng odhi' menorot kasokanna Jehovah. Ka-lokana Almasih se mabaras sampeyan.

3 Yahya 1:2 kaula nyono'ns ka Pangeran mogamoga sampeyan eparengngana baras ban ta' manggi alangan pa-ponapa, akadi sokmana sampeyan ta' manggi alangan pa-ponapa.